

aperuerunt: vt quamuis eidem aliquatenus insisterent, & quod iam comprobatum est, eosdem modos non respuerent, cum tamen rarius, non tam despectu, quam negligentiore cura, exemplis Chymicorum ijsdem exercendis attentiores essent. Qua re iam effectum est, vt præparandorum remediorum ars, vel Chymiæ vel Pharmacopœiæ idoneis nominibus insignita, & ad extremū apicem perducta, suis artificibus Medicis, de quibus iam in effidente caussa, dignum rependat *αντίστροφον*: ijs scilicet, qui admissis singulis & omnibus, quæ ratio recta nō improbat, vsus tempore, iudicio verè medico nituntur: affectionis habitudini remediorum conditionem sollicitè adhibeant, quæq; simpliciore ritu præparata requirunt, acrioribus nō vrgeant: nec infirmioribus ea, quorum peruicacia altioribus cuniculis submouenda est. Ergo si paucis comprehendamus, quæ de geminato Chymiæ fine dicta sunt, vtroque conueniunt, & interno, & externo, Remedio nimirum eiúsque Vsu, Chymicus & Pharmacopœus: nec huius caussæ vlo merito, diuersitas